



Broj: 01-1-3784/12
Sarajevo, 12.12.2012. godine

MEDIJIMA

Predmet : Saopćenje za javnost

Rezultati poslovanja mikrokreditnog sistema u Federaciji BiH u trećem kvartalu 2012.godine

U odnosu na kraj prethodne godine, krajem trećeg kvartala 2012. godine zabilježen je blagi rast bruto portfolija MKO.

Bilansna suma MKO sa 30.09.2012. godine iznosi 503,7 miliona KM i bila je veća za 1,2 miliona KM ili 0,2% u odnosu na kraj 2011. godine.

U odnosu na isti period bruto krediti su veći za 2 % i u trećem kvartalu su dostigli iznos od 424,1 milion KM.

Osnovni izvor sredstava MKO su obaveze po uzetim kreditima koje na dan 30.09.2012. godine iznose 320,4 miliona KM ili 64% ukupne pasive MKO i manje su za 4% u odnosu na stanje sa 31.12.2011. godine.

Ukupni kapital MKO na dan 30.09.2012. godine iznosi 161,6 miliona KM ili 32% ukupne pasive MKO koji je veći za 8% u odnosu na kraj prethodne godine.

Prema dostavljenim izvještajima za treći kvartal vidljivo je da je na nivou mikrokreditnog sektora u Federaciji BiH, ostvaren pozitivan finansijski rezultat u iznosu od 10.840 hiljada KM, što je za 40% više u odnosu na isti period prethodne godine.

Iako većina kontroliranih mikrokreditnih organizacija posluje sukladno važećim propisima te ciljevima radi kojih je osnovana, ipak u pojedinim organizacijama su uočene značajne slabosti i nepravilnosti u radu. Kod manjeg broja MKF utvrđeno je da, u upravljanju imovinom MKF, organi istih se ne pridržavaju principa poslovanja s pažnjom dobrog privrednika i stručnjaka, da stvaraju visoke, nepotrebne i neopravdane troškove, koji se alimentiraju iz visokih kamatnih stopa, suprotno misiji osnivanja MKF.

MKO stoga treba raditi na povećanju odgovornosti upravnih odbora, osiguranju neovisnosti interne revizije od menadžmenta MKO-a, te uspostavljanju mehanizama kontrole opravdanosti projekata i materijalno značajnih troškova poslovanja s ciljem smanjenja kamatnih stopa na mikrokredite i postizanja ciljeva poboljšanja materijalnog položaja korisnika mikrokredita definiranih Zakonom o MKO. Konsolidacija MKO-a i dalje je imperativ u smislu optimiziranja resursa, očuvanja doniranih sredstva, osiguranja podrške kreditora, te obezbjeđenja budućnosti brojnih uposlenih u MKO sektoru.

URED FBA ZA INFORMIRANJE